

**Tungaviumik atuarfiit namminersortitat angerlarsimaffimmilu atuartitaaneq il.il. pillugit Inatsisartut inatsisaata allanngortinnissaanut Inatsisartut inatsisaat nr. 16, 20. november 2006-imeersoq. (Atuarfiit illutaanik sananermi sanaartornermut taarsigassarsinissamut periarfissaq)**

**§ 1**

Tungaviumik atuarfiit namminersortitat angerlarsimaffimmilu atuartitaaneq il.il. pillugit Inatsisartut inatsisaannut nr. 10 ulloq 15. april 2003-meersumi makku allannguutigineqassapput:

1. §18 kingorna kapitali 5 ima oqaasertaqassaaq:

" § 18a. Tungaviumik atuarfiit namminersortitat atuarfiit illutassaannik sanaartornermut aningaasartuutissaasa katinnerisa 40%-ii tikillugit tungaviumik atuarfiit namminersortitat Naalakkersuisut taarsigassarsitissavaat.

Imm. 2. Imm. 1 naapertorlugu taarsigassarsitsineq taamaallaat pisinnaavoq tungaviumik atuarfik namminersortitaq sanaartornermut aningaasartuutit katinnerisa 10%-iinik nammineq aningaasaliissuteqarpat.

Imm. 3. Sanaartornermi aningaasartuutit sinneri tungaviumik atuarfiup namminersortitap nammineerluni aningaasaliissuteqarfigissavai, soorlu aningaaserivimmit imaluunniit taarsigassarsitsisarfimmit taarsigassarsinermigut.

Imm. 4. Imm. 1 malillugu taarsigassarsiat sanaartornerup naammassinerani tunniunneqassapput. Taarsigassarsineq illuutit qularnaveeqqusiuinnerisigut qulakkeerneqassaaq, imm. 3-lu malillugu tungaviumik atuarfiup namminersortitap taarsigassarsereerneratigut qularnaveeqqusiuunneqassallutik.

Imm. 5. Imm. 1 malillugu taarigassarsiat ukiuni 15-ini erniaalersorneqaratillu taarsersorneqassanngillat, taassumalu kingorna ukiut qulit ingerlanerini taasersukkat amerliartuaartutut erniaallu ikiliartuaartutut taarsersuineqassalluni, ernialersuinermilu Nationalbankenip erniaalersuinera malinneqassaaq qaavatigut 3%-imik ilallugu.

Imm. 6. Taarsigassarsitsisut allamik aalajangiinngippata, ima pisoqarneratigut taarsigassarsiat akileqquneqassapput

1) taarsigassarsiat erniaat taarsersukkallu akilersorneqanngippata, tungaviumillu atuarfiup namminersortitap kinguaattoorutini allakkatigut tungaviumik atuarfiup namminersortitap akileeqquneqarnerminit kingusinnerpaamik ullut 7-it qaangiunnerini akilersimannngippagit,

2) tungaviumik atuarfiup namminersortitap illuutit isumannaatsumik aserfallatsaaliunngippagit, paarinerluppagit taamaalillunilu taarsigassarsitsisut qularnaveeqqusiusaat ajortinneqarsimasut paasineqarpat, imaluunniit

3) illuutit allanut tunineqarpat.

Imm. 7. Sanaartukkanut sanaartornerup nalaani sanaartorneq pilersaarusiernerlu pillugit inatsisinut atuuttunut kiisalu sanaartoriaatsimi ingerlatsinermilu najoqqutassanik eqquutsitsisunut kisimi taarsigassarsitsisisoqarsinnaavoq.

Imm. 8. Imm. 1 malillugu taarsigassarsinissamik qinnuteqannginnermi tunngaviusumik atuarfik namminersortitaq nunaminertamik sanaartorfissamik kommunalbestyrelsimit tunineqareersimassaaq.

Imm. 9. Taarsigassarsinissaq aatsaat neriorsuutigineqarsinnaavoq sanaartornissamut pilersaarut aningaasaqarnerlu Naalakkersuisunit nalilerneqarlutillu akuerineqareerpata, kiisalu tunngaviusumik atuarfiup namminersortitap sanaartornissamut aningaasartuutissat katinnerini nammineq aningaasartuutigisassani uppersaasioreersimappagit.

Imm. 10. Tunngaviusumik atuarfiit namminersortitat sanaartornissamut taarsigassarsiniarnissaat pillugu Naalakkersuisut malittarisassanik erseqqinnerusunik aalajangersaasinnaapput.

**§ 18b.** Tunngaviusumik atuarfiit namminersortitat aningaasaliissutissanut allanut aningaasartuutissaannut Naalakkersuisut tapiissuteqarsinnaapput taarsigassarsisitsinnaallutillu."

## § 2

Inatsisartut inatsisaata atuutilerfigissavaa ulloq 1. januari 2007.

Namminersornerullutik Oqartussat, ulloq 20. november 2006

Hans Enoksen

/

Tommy Marø